

西域圖志



西域圖志



欽定皇輿西域圖志卷之四十四目錄

藩屬一

左部哈薩克

右部哈薩克

欽定皇輿西域圖志卷之四十四

藩屬

臣等謹按古盛王涵宥天下。薄海內外。咸訖聲教。而必又有以及乎其餘。於是乎享王接軌。共球咸受。朝正奉命。史不絕書。我

國家累洽重熙。化敷域外。朝鮮琉球暹羅安南之屬。皆受朔來朝。奉職惟謹。而蒙古部落。北則四十九旗。喀爾喀鄂爾多斯諸部。舊爲臣僕。西南則青海西藏。隸我典屬。維藩維翰。中外一家。乾

隆二十年。準噶爾平。二十一年。左部哈薩克內附。二十二年。右部哈薩克塔什罕。東布魯特繼之。二十四年。回部平。是時西布魯特安集延。那木千。瑪爾噶朗。霍罕諸城。拔達克山。博洛爾部。亦相率來歸。二十七年。復有愛烏罕等。鞠膾奉表而至。於是和通諸部。次第偕來。大蒙成就甄陶。

聲教及於無垠矣。伏念西師之役。

皇上惟期底定。準夷纘成。

先緒。卽回部用兵。亦以逆會稔惡。義在必伸。自出師以迄凱旋。從未嘗勤思遠略。有意招徠。而

王師所過。萬衆傾心。呼籲投誠。爭先恐後。僉言久慕天朝。向爲準噶爾所阻。蔑以自通。幸際廓清。樂沾仁化。此益見西域之不可不及時蕩平。而

至聖聲名洋溢。凡有血氣。莫不尊親。此心此理。洵有大同者也。爲考諸部方輿。矚度風土之跡。暨歸誠本末。著於篇。以誌一時慕義歸仁之盛。昔司馬遷有言。張騫使西域。傳聞其旁大國五六。其

詞恍惚。無可審證。猶且詳諸史乘。以誇遠馭。矧
今日梯航玉帛。萬里來庭。星拱雲從。不煩期會。凡
在通名諸國。俾得據實編摩。用昭我

皇上一統之業。猗歟盛哉。志藩屬第十九。

欽定皇輿西域圖志卷之四十四

藩屬一

左部哈薩克。

左部哈薩克。東南與準噶爾接。西與右部接。北與俄羅斯接。其常所會廷曰葉什勒。傍葉什勒河。東去塔爾巴噶台。南去伊犁皆千里。東南去鎮西府四千五百餘里。其部曰鄂圖爾玉茲。無城郭。逐水草。事遊牧。冬夏別居。無常處。地廣人稠。甲於他部。境西北隅有獨樹一株。其上五枝

金定皇輿西域圖志 卷四十一
盤拏。蔭廣可容二百騎。名鄂噶引噶克义莫朶。
爲西域神物。風俗物產。大畧與準噶爾等。文字
同。言語稍異。其君曰汗。其汗族而爲首領者名
蘇爾統。相傳其地爲古大宛。今詳考之。蓋古康
居國也。其汗阿布賚。初乘達瓦齊亂。數侵擾準
噶爾。乾隆二十年二月。準噶爾平。

詔遣使往諭。阿布賚言於使臣侍衛順德訥達永阿
曰。向聞

大皇帝臨御中土。以山川之故。貢譯未通。今

天威遠播。掃伊犁。興黃教。俾與準夷俱生。實無疆之福。敢以誠心歸於德化。九月。順德訥等以其使博洛布拜等歸伊犁。阿睦爾撒納適以伊犁叛。明年走哈薩克。阿布賚納之。

詔遣將軍達爾黨阿由西路。哈達哈由北路。先後以大軍進。阿睦爾撒納之走哈薩克也。有奈曼鄂拓克納拉巴圖者。邀劫之。不獲。勦其衆。阿睦爾撒納以三騎走附阿布賚。其屬欲擒獻。阿布賚不可。乃遣和集博爾根以兵從阿睦爾撒納走

努拉自率千騎西行。會於蒿哈薩拉克鄂拉下。以待我師。七月將軍達爾黨阿兵至於雅爾拉。與和集博爾根前隊二千餘兵遇。賊設伏佯敗。我師登於山。俯其陰則伏在焉。蜂屯蟻聚。隨以號火。乃堅壁壘。繕營伍。賊不敢出。越宿遣烏爾登以輕騎致師。分阿里衮鄂實哈寧阿明瑞爲左右翼。將軍達爾黨阿副將軍托拉豐阿執燾以中軍進。齊努渾瑪瑞特通額額爾登分部從之。賊倉猝不及顧。潰于山麓。斬首五百七十餘。

級。餘敗去。我兵乘勝進努拉。擒楚魯克。是時和
集博爾根。方與阿睦爾撒納引二千騎西行。我
軍逼之。列而陣。出入鏖戰良久。獲其纛及礮。賊
乃亂。斬三百四十餘級。阿睦爾撒納。易纛褫衣
冠而遁。初順德訥歸自哈薩克。以阿布賚恭順
狀聞。復遣齎。

勅往諭。七月至博爾喀爾綽濶。爲哈薩克兵所阻。不
得達。至將軍哈達哈營。乃遣扎薩克三都布等。
擊敗阿布賚兵于蒿哈薩拉克鄂拉下。斬首百

餘級。奪其馬匹輜重無算。阿布賚遁。師從之。復
斬首百餘。獲馬二百。鎗械百餘。獲昭華什。由是
三戰皆捷。師至於伊什勒。於是達爾黨阿。哈達
哈。兩軍合。魯楚克。昭華什。旣獲而見將軍。極陳
阿布賚之欲內附也。將軍縱之。俾往諭曰。

大皇帝命將討叛。爾從賊則死。若能擒以來。臣僕無
二。於是阿布賚亦稔知爲阿睦爾撒納所賣。將
擒賊以求臣于我。其謀泄。阿睦爾撒納乃竊哈
薩克馬十餘騎。逃歸準噶爾。二十二年。將軍兆

惠。叅贊大臣富德等。復將兵西征。阿睦爾撒納
再走哈薩克。六月。阿布賚以兵三萬。助擒阿睦
爾撒納。遣其弟阿布勒比斯爲前隊。與我兵遇。
奉將軍馬一。叅贊馬一。陳情請罪。願受約束。於
是兆惠等復遣使往諭。阿布賚乃遣亨集噶爾
等奉良馬四。表請內附。其文曰。自臣祖額什木
汗。楊吉爾汗以來。從未得通中國聲教。今祇奉
大皇帝諭旨。加恩邊末部落。臣暨臣屬靡不懼怖。感

慕

皇仁。臣阿布賚願率哈薩克全部歸于鴻化。永爲中國臣僕。聞於朝。

詔受之。秋。阿布賚使臣至

避暑山莊朝謁。

賜宴萬樹園。觀燈火。阿布賚旣臣於我。遂以其兵助擒賊。與順德納遇於途而言曰。我哈薩克以阿睦爾撒納之故。獲罪

天朝。仰荷

大皇帝鴻慈。不棄覆載。爲臣爲僕。願悉力擒賊。庶贖

前罪。毋有二心。阿睦爾撒納。敢外幷幪。是不祥人也。是有天道。其何能活。乃以托忒烏珠克字印文。導我師巡行諸部。是月。阿布賚將以計擒阿睦爾撒納於阿爾察圖。不獲。奔俄羅斯。執其從賊額布濟齊巴罕來獻。二十一年。努拉之役。和集博爾根以殘兵遁。至是聞阿布賚降。乃與喀拉巴拉特者。親率其屬三萬戶款於軍門曰。外臣不識文字。謹以身詣降。將軍兆惠爲啟帳。命東向坐。將軍南向坐。列筵食之牲體。哈薩克